



Sakspapir

Sakshandsamar	Arkiv	ArkivsakID
Øyvind Tolleshaug	FA-L53, FA-L54, Gbnr-170/11	17/641

Saksnr	Utval	Type	Dato
074/21	Formannskapet	PS	07.09.2021

Om silobygget på Svena : Ny behandling

Vedlegg:

Vedtak om pålegg om riving. Vedtak om tvangsmulkt.

Brev til Fedje formannskap frå Idar Tangen

SILOBYGGET PÅ SVENA Brev frå EH

Saksutgreiing:

Følgjande sak var til behandling i formannskapssak 013/21:

Idar Tangen fekk brev med følgjande innhald 21. desember 2017 :

Silobygget på gnr. 170, bnr.11.

Eg har i dag vore på synfaring på fabrikkbygningen du har på Svena.

Silobygget manglar fleire veggplater. Eg vurderer det slik at det er fare for at fleire plater kan løsne når bygget ikkje er tett.

Slik silobygget er no, er det dessutan skjemmande.

Eg ber om at du innan 31. januar 2018 kjem med ein plan for rehabilitering eller riving av silobygget.

Idar Tangen sitt svar :

Viser til deres brev av 21.12.2017.

Vi arbeider med ulike planer for silobygget, og er allerede godt i gang med å demontere gammelt utstyr som må fjernes enten det blir rehabilitering eller riving.

Ber om frist til 31. mai 2018 for å komme med en endelig plan for bygget.

Det skjedde ikkje noko, ikkje riving, ingen plan kom.



Fedje kommune

Den 4. mars 2020, sende kommunen varsel om at vi vurderte følgjande vedtak :

Fedje kommune gjer pålegg om at silobygget på gnr. 170, bnr. 11, skal vera rive innan 1. juni 2020 dersom det ikkje vert sett i stand. Dersom silobygget ikkje er rive 1. juni 2020 eller sett i stand innan same dato, gjer Fedje kommune vedtak om tvangsmulkt på 500 kr pr kalenderdag frå 1. juni 2020 til silobygget er rive. Lovheimel : § 31-5 (riving) og § 32-5 (tvangsmulkt).

Grunngjeving for vedtak : Silobygget slik det står i dag, er skjemmande. Det kan og vera farleg for personar pga lause plater.

Den 30. mars 2020 svarde Idar Tangen :

Viser til brev fra Fedje kommune datert 04.03.2020, referanse nummer 17/641 - 20/1292.

I brevet varsler dere vedtak om at silobygget må rives eller settes i stand innen 1. juni 2020.

Planen var at bygget skulle rives eller settes i stand i løpet av 2018. Dette arbeidet ble da påbegynt, og alt gammelt utstyr ble demontert og fjernet inne i bygget. Av ulike årsaker ble det videre arbeidet forsinket, men det vil nå prioriteres fremover.

Fristen som er satt til 1. juni er imidlertid noe kort, også med tanke på dagens uforutsette omstendigheter i forbindelse med koronautbruddet og påfølgende restriksjoner.

Vil derfor be om at fristen blir forlenget til 31. august.

Den 4. april 2020 gjorde Fedje kommune følgjande administrative vedtak :

Fedje kommune gjev pålegg om at silobygget på gnr. 170, bnr. 11, skal vera rive innan 31. august 2020 dersom det ikkje vert sett i stand. Dersom silobygget ikkje er rive 31. august 2020 eller sett i stand innan same dato, gjer Fedje kommune vedtak om tvangsmulkt på 500 kr pr kalenderdag frå 31. august 2020 til silobygget er rive. Lovheimel : § 31-5 (riving) og § 32-5 (tvangsmulkt).

Grunngjeving for vedtak : Silobygget slik det står i dag, er skjemmande. Det kan og vera farleg for personar pga lause plater.

Idar Tangen klaga ikkje på vedtaket.

Bilde teke 4. mars 2020	Bilde teke 4. mars 2020	Bilde teke 12. jan 2021
-------------------------	-------------------------	-------------------------



Fedje kommune



Bildet teke 12. januar i år, syner at den øverste ¼-delen er teke ned. Sannsynet for at plater skal blåse bort er større enn nokon gang sidan bygget ikkje har tak.

Idar Tangen ber no om utsetting av riving/tvangsmulkt på ubestemt tid pga Covid-19. Han argumenterer mellom anna med at arbeidet fører til fleire tilreisande til Fedje.

Han har fått støtteerklæring frå kommuneoverlegen.

Etter administrasjonen si vurdering så har Idar Tangen fått mange fristar og god tid til å rive eller setje silo-bygget i forsvarleg stand. Om det skal gjevast ytterlegare utsetjing på grunn av korona situasjonen bør vurderast ut frå ei totalvurdering der faren for personar på grunn av lause plater vert sett opp mot faren for smittespreiing. Administrasjonen kan heller ikkje sjå at det er vurdert om arbeidet kan løysast ved å nytta lokal arbeidskraft, noko som ville redusert faren for smittespreiing. Saka vert på bakgrunn av dette oversendt Fedje formannskap utan tilråding.

Forslag til vedtak: Ikkje tilråding

Formannskapet - 013/21

F - behandling:

Forslag til vedtak, foreslått av Stian Herøy, Høgre

Vedtaket om tvangsmulkt suspenderast inntil smittetrykket i samfunnet er på eit slik nivå at dette kan gjerast på ein smitte messig trygg måte. Uansett må bygget sikrast slik at det ikkje er til fare for andre. Saka kjem opp til vurdering i neste formannskap. Smittevernlegen definerer når arbeidet kan utførast.



Fedje kommune

Otto-Andre Nordby bad om å få vurdert sin habilitet sidan han er bror til kona til søkjar. Nordby gjekk ut av møtet medan habiliteten vart vurdert. Nordby vart samrøystes vedteke å vere ugild etter forvaltningslova § 6, 1.ledd b). Vara Paul Gullaksen trådde inn i møtet for å handsame saka.

F - vedtak:

Vedtaket om tvangsmulkt suspenderast inntil smittetrykket i samfunnet er på eit slik nivå at dette kan gjerast på ein smitte messig trygg måte. Uansett må bygget sikrast slik at det ikkje er til fare for andre. Saka kjem opp til vurdering i neste formannskap. Smittevernlegen definerer når arbeidet kan utførast.

Samrøystes vedteke.

Ordførar bad i formannskapsmøtet 07.09.21 om å få saka opp att til ny behandling.

Forslag til vedtak:

Ingen framlegg til vedtak.

Formannskapet - 074/21

F - behandling:

Endringsframlegg, foreslått av Stian Herøy, Høgre

Fedje kommune gjer pålegg om at silobygget på gnr. 170, bnr. 11, skal vera rive innan 1. januar i 2022 dersom det ikkje vert sett i stand. Dersom silobygget ikkje er rive 1. januar 2022 eller sett i stand innan same dato, gjer Fedje kommune vedtak om tvangsmulkt på 500 kr pr. kalenderdag frå 1. januar. 2022 til silobygget er rive eller sett i stand. Lovheimel : § 31-5 (riving) og § 32-5 (tvangsmulkt).

Grunngjeving for vedtak : Silobygget slik det står i dag, er skjemmande. Det kan og vera farleg for personar pga. lause plater.

Ordførar orienterte om dialog med kommunelegen.

Rådmannen orienterte om andre saker der det har vore aktuelt å vurdere tvangsmulkt. Rådmannen vil på bakgrunn av dette vedtaket halde fram arbeidet i aktuelle saker.

F - vedtak:

Fedje kommune gjer pålegg om at silobygget på gnr. 170, bnr. 11, skal vera rive innan 1. januar i 2022



Fedje kommune

dersom det ikkje vert sett i stand. Dersom silobygget ikkje er rive 1. januar 2022 eller sett i stand innan same dato, gjer Fedje kommune vedtak om tvangsmulkt på 500 kr pr. kalenderdag frå 1. januar. 2022 til silobygget er rive eller sett i stand. Lovheimel : § 31-5 (riving) og § 32-5 (tvangsmulkt).

Grunngjeving for vedtak : Silobygget slik det står i dag, er skjemmande. Det kan og vera farleg for personar pga. lause plater.

Samrøystes vedteke.